

重稱法位

具位 與臨壇官眾等謹同誠上啓

三清至尊十方上聖玉京金闕天帝天具十方師尊聖眾三界官屬一切咸靈

臣聞碧落受經一遍諧天而稱善素車開導

歷闡三界以咸聽臣等猥以凡資叨禪玄化

所宜棲神道域咀空碧以鍊真絕跡塵寰想

丹華而輕舉香盟之始立功為先故演法以

度人誓贊天而敷教况承

上命恭為典行敬為

○ 其靈崩逝以來追念劬勞昊天同極思慕真

容特伸報薦特命羽流之眾敬修玉籙之齋

開度神儀上登天府伏願神超碧落質煉丹

庭遊神清淨之鄉悟道虛无之境名高玉簡

位列瓊宮次奠

帝道遐昌王儲衍固聖德有同於堯舜輔臣

允賴於臯蕤曆算延洪邊陲寧謐普天率土

均承浩蕩之恩十地九幽咸遂生成之樂則

上明

天尊大慈之澤下副臣等皈命之誠謹啓以

聞

十二願

一願三專降鑑

二願神光洞煥

三願五行應運

四願坎離結運

五願玄壇靈應

六願靈篆飛翔

七願坎離結運

八願九夜舒芒

九願玄壇靈應

十願名列上蒼

十一願神儀受度

十二願國祚延長

復爐

存神燒香

香官使者左右龍虎君侍香諸靈官當令臣

向來早朝陞壇行道之所自然生金液丹碧

芝英百靈眾真交會在此香火爐前當願十

方仙童玉女接待蘭煙傳臣向來所奏之誠

速達徑上

至真無極大道三清上聖

昊天至尊金闕玉皇上帝御前

玉籙大齋第一日早朝儀

玉籙大齋第一日早朝儀

各禮師存念如法

誦歌空洞帝君守壇 五帝校錄 受符三官

備衛四門 東魔去奸 流鈴擲火 陰穢焚殘

身佩金書 鍊液芝頭 玄靈素合 心動三關

騎獅跨鶴 控龍乘鸞 萬星守舍 千魔不干

道悉長存 萬仙悉安

發爐 如前

請稱法位

具位 與臨壇官眾等謹同誠上啓

虛元自然元始天尊無極大道太上道君太

上老君高上玉皇十方已得道大聖眾至真

諸君丈人三十二天帝君玉虛上帝玉帝大

帝東華南極西靈北真玄都玉京金闕七寶

瓊臺紫微上官靈寶至真明皇道君三十六

部尊經玄中大法師上相上宰上保上傳太

平下教二十四真人西城惣真王君太乙真

人東嶽上卿司命茅君走錄保命二真人各

山洞府得道神仙三界官屬一切真靈

臣聞二景含虛隱華靈於未珥九霄總梵合

妙系於自然象帝之先寂寥獨立太初而上  
恍惚無名混三色以玄通凝一神而生化分  
無上玉虛之炁鬱結洞章肇太無亦混之元  
周回梵行無文不度至極難超且等憑藉福  
因恭聞玄妙被九先之秘蘊窺眇靈臺宣三  
洞之明科遵行教典凡有所啓敢不上聞齋  
意青詞謹當宣奏

具如詞言不違懇款恩惟大道分別請祈

臣聞虛元空碧玄立顯雲篆之文太漢流輝  
梵行露天真之旨扶搖一炁騰育九清臣等  
視畧精過中不昧迴風芳輝銜絳闕以揚  
輝春日赤精當丹天而正照羽蓋流精於黃  
道玉華散景於玄壇恭假香傳奉修齋直以  
今第一日中分行道請法衆等運茲初捨上  
香

願此香烟騰空徑上供養

虛元至真自然大道元始天尊願以是捨香  
功德上祝

當今皇帝嗣曆無疆伏願統接千齡道伴二  
帝鴻圖天固永垂億萬世之基龜鼎日隆遠

邁八百年之卜握真符而御極曆數以在  
躬運無靈長功光祖述休祥畢至瑞慶大來  
今故燒香自皈依道尊大聖衆至真之德得  
道之後保天長存

臣聞紫精朗郁三虛生空寂之神瓊室流輝

十合轉金橋之聖妙機倒影大混飛玄以今  
第一日中分行道請法衆等運茲二捨上香  
願此香烟騰空徑上供養

玉晨至聖自然靈寶大道天尊願以是捨香  
功德上資

國母皇后神儀伏願鍊寶東華陶媿南極飛  
昇金闕徑陪高上之班遊宴玉京位正元真  
之陞流祥

帝梓延裕

皇圖金枝玉葉以彌芳紫鳳青鸞而薦瑞九

則清泰四海晏安今故燒香自皈依經專大  
聖衆至真之德得道之後昇入無形

臣聞鑿開混沌分圓清方濁之殊位定高卑  
有人世天闕之別紫虛鬱秀玉精流光以今  
第一日臨午行道請法衆等運茲三捨上香

願此香烟騰空徑上供養

混元大聖自然道德天尊願以是捨香功德  
上賢

宗極先聖

所薦神儀伏願天地開光太虛感會熙夷養

素宴息處於黃房空碧練真徑躋登於紫極  
垂祥宗廟延福

儲宮今故燒香自皈依師尊大聖衆至真之  
德得道之後昇入無形

懺悔 旋繞 命魔 步虛

禮經 三啓

重稱法位

具位 與臨壇官衆等謹同誠上啓

三請至尊十方上聖玉京金闕天帝天眞十  
方師尊聖衆三界官屬一切咸靈

臣聞洞玄出經天地設恭而稽首神霄告錄

幽冥開道以通關臣等夙預真傳叨承遺蔭  
所宜守黃庭而偃息內養神形餐素液以耽  
研外除嗜欲恭承

上命格為典行伏望

道意昭融宸衷念頌玉清之寶錄金陳鍊  
形授金闕之瓊篇丹臺枝錄上祝

坤宮殿下神儀執握龍章御登鳳輦徑入清  
虛之境飛昇太漠之鄉位列真仙名列紫冊  
宴瑤池而延景居藥闕以怡神誼道無為超

登有在上明

天尊大慈之化下副臣等請  
命之誠謹啓以聞

十二願

一願天恩普降

二願符命遐宣

三願玄壇警肅

四願萬聖臨軒

五願千真朝仰

六願萬炁齊仙

七願回尸起死

八願度品南宮

九願天清氣朗

十願河海晏然

十一願輪轉得道

十二願飛昇上清

復爐前 出堂  
謝師 回幕

玉錄大齋第一日午朝儀

玉錄大齋第一日晚朝儀

各禮師存念如法

神光朗耀 瑞炁匪旋 箕斗映輝 芒宇晏然  
玉眸合真 寶壇純乾 變夜作晝 回子午前  
太華流珠 丹鳳飛玄 息魔滅奸 高步祥烟

天真魯集 齊到帝前

發爐前

請稱法位

具位 與臨壇官衆等謹同誠上啓

虛元自然元始天尊元極大道太上道君太

上老君高上玉皇十方已得道大聖衆至真

諸君丈人三十二天帝君玉虛上帝玉帝大

帝東華南極西靈北真玄都玉京金闕七寶

瓊臺紫微上宮靈寶至真明皇道君三十六

部尊經玄中大法師上相上宰上保上傳太

平下教二十四真人西城總真玉君太乙真

人東嶽上卿司命茅君定錄保命二真人名

山洞府得道神仙三界官屬一切真靈

臣聞三色藏輝立天根於混沌一神隱妙眇  
德劫於鴻濛道達重玄理微太漠無形無緒

若存若亡涵萬象以凝精從九陽而開劫散  
冥寂玄通之炁上冠丹霄啓芒虛鬱秀之旨

擊開玉曆自然所化無文不明臣等宿契仙  
儲叨承靈會竊神章而踴躍遐想思真蒙大  
梵以生成精修演教凡有所啓敢不以聞齋

意青詞謹當宣奏

宣詞

具如詞言不違懇款息惟大道分別請祈

臣聞道開五劫淨光明於空洞之中法出三

乘顯濟度於幽冥之內常清常靜曰聖曰神

臣等肅奉清齋初時靜夜神風靜默河漢灌

東井之華璇漢昭回石景吐玄陰之魄接群

仙而垂陰聚九炁以含烟恭候香傳恭齋

直以今晚景行道請法衆等運茲初捨上香

願此香烟騰空徑上供養

虛元至真自然大道元始天尊願以是捨香  
功德上祝

當今皇帝介福無疆伏願道合三微躬膺百

祿稷穰簡簡受帝祉以無疆穆穆皇皇高天  
休而滋至以萬億萬年之祐永膺九五福之